

Broj: 01-02-2450/19

Sarajevo, 04.01.2020. godine

ZAPISNIK

TEMATSKJE SJEDNICE PREDSTAVNIČKOG DOMA PARLAMENTA FEDERACIJE BiH “Ispunjavanje obaveza Bosne i Hercegovine iz Ugovora o uspostavljanju Energetske zajednice – status implementacije u Federaciji BiH”, održane 14.01.2020. godine

Sjednica je počela u 11.11.

Sjednici je predsjedavao predsjedavajući Predstavničkog doma Parlamenta Federacije BiH, Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Belma Pojskić, Husein Topčagić, Meliha Bijedić, Mladen Bošković, Ibrahim Zukić, Šemsudin Kavazović, Husein Rošić, Nedžad Šečić, Zlatko Ercegović, Hamdija Adbić, Salko Bukvarević i Edita Mazić.

Na osnovu evidencije Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Sa 59 glasova, bez glasova protiv i uz jedan uzdržani glas, usvojen je sljedeći:

DNEVNI RED

1. Ispunjavanje obaveza Bosne i Hercegovine iz Ugovora o uspostavljanju Energetske zajednice – status implementacije u Federaciji BiH

Materijale za ovu tačku dnevnog reda dostavio je Odbor za energetiku, rudarstvo i industriju Predstavničkog doma i Vlada Federacije BiH.

Ispred Odbora za energetiku, rudarstvo i industriju dodatno obrazloženje dao je Safer Demirović.

Ispred Vlade Federacije BiH obrazlagao je ministar Nermin Džindić.

Domu su se obratili: Khaldoun Sinno, zamjenik šefa Delageacije EU, N.J.E. Matthew Field, ambasador Ujedinjenog Kraljevstva Velike Britanije i Sjeverne Irske, Janez Kopač, direktor sekretarijata Energetske zajednice, Andy Allen, direktor Ekonomskog sektora u Ambasadi SAD-a i Admir Softić, pomoćnik ministra vanjske trgovine i ekonomskih odnosa BiH.

U raspravi su učestvovali: Suad Kaknjo, Sanela Klarić, Elzina Pirić, Bahrudin Šarić, Mirsad Čamdžić, Amela Kuskunović, Safer Demirović, Miralem Galijašević, Adisa Kokić-Hinović, Nasiha Pozder, Salko Zildžić, Hasan Muratović, Sabina Ćudić, Safer Demirović, Miomirka Melank, Janez Kopač, direktor sekretarijata Energetske zajednice, Senad Salkić, član Uprave Elektroprivrede BiH, ispred Elektroprivrede BiH Emir Aganović, Jasmin Salkić ispred BH GAS-a.

Predsjedavajući je dao pauzu do 16.00, i sazvaio proširenu sjednicu Kolegija, sa Odborom za energetiku, rudarstvo i industriju kako bi se pripremili zaključci.

Nakon pauze prešlo se na izjašnjenje o predloženim zaključcima.

Sa 61 glasom za, bez glasova protiv i uz dva uzdržana glasa, usvojeni su sljedeći:

ZAKLJUČCI:

1. Zakon o regulatoru električne energije i gasa, prenosu i tržištu električne energije u Bosni i Hercegovini

Svjesni zahtjeva koji se nalaze pred državom Bosnom i Hercegovinom u pravcu potrebe i hitnosti usvajanja zakonodavstva na državnom nivou usklađenog sa Trećim energetskeg paketom u oblasti električne energije i gasa, Predstavnički dom Parlamenta Federacije BiH traži od Vijeća ministara Bosne i Hercegovine i nadležnih državnih i entitetskih ministarstava uključujući i državne institucije (DERK;NOS), koje su vezane za donošenje zakonodavnog okvira za oblast električne energije i gasa na državnom nivou, da učine neophodne korake kako bi se usaglasile evidentne razlike i donio Zakon o regulatoru električne energije i gasa, prenosu i tržištu električne energije u Bosni i Hercegovini, u što kraćem roku, a sve u okviru ponuđene pomoći i organizaciji Evropske Unije – Delegacije u Bosni i Hercegovini i USAID-a.

2. Donošenje/usaglašavanje entitetskih zakona o električnoj energiji i prirodnom gasu Uporedo pristupiti usaglašavanju i usvajanju Zakona o električnoj energiji u Federaciji BiH sa odredbama državnog Zakona o regulatoru električne energije i gasa, prenosu i tržištu električne energije u Bosni i Hercegovini, nakon njegovog usvajanja, kako bi se u isti transponovale odredbe Trećeg energetskeg paketa.

Uporedo pristupiti izradi i usvajanju zakona o gasu Federacije BiH koji će biti usaglašen sa državnim Zakonom o regulatoru električne energije i gasa, prenosu i tržištu električne energije u Bosni i Hercegovini, nakon njegovog usvajanja, i harmonizovan sa izmijenjenim Zakonom o gasu Republike Srpske.

3. Program o prestrukturiranju elektroenergetskog sektora Federacije Bosne i Hercegovine

Hitno pristupiti razmatranju i davanju saglasnosti na dokument Program o prestrukturiranju elektroenergetskog sektora Federacije Bosne i Hercegovine i, nakon toga, poduzimanju planiranih aktivnosti harmonizovanih sa aktivnostima Republike Srpske i usklađenih sa Trećim energetskeg paketom.

4. Zakon o korištenju obnovljivih izvora energije i efikasne kogeneracije Federacije BiH Izmjenama i dopunama Zakona o korištenju obnovljivih izvora energije i efikasne kogeneracije Federacije BiH i, u skladu s tim, provedbenih podzakonskih propisa, stvoriti uslove za povećanje udjela proizvodnje električne energije iz obnovljivih izvora energije, promjenom šema podsticaja na prihvatljiv način, u skladu sa Trećim energetskeg paketom.

5. Zakon o energijskoj efikasnosti Federacije Bosne i Hercegovine

S ciljem poboljšanja energijske efikasnosti pristupiti harmonizovanju entitetskih zakona o energijskoj efikasnosti kako bi se stekli uslovi za jednoznačnim pristupom u izboru načina finansiranja i implementacije mjera energijske efikasnosti u Bosni i Hercegovini (obligacione šeme).

6. Implementacija Uredbe 347/2013/EU

Nužna je Implementacija Uredbe 347/2013/EU o smjernicama za transevropsku energetsku infrastrukturu u zakonodavni okvir Bosne i Hercegovine te, nakon toga, harmonizacija entitetskih propisa i usklađivanje istih sa državnim propisom.

U skladu s tim pristupiti odgovarajućim izmjenama pravnog okvira koji uređuje oblast prostornog planiranja, građenja, koncesija, zaštite okoliša i električne energije u Federaciji BiH, kako bi se pojednostavio postupak izdavanja dozvola za izgradnju energetske infrastrukture u Federaciji BiH, te naročito smanjili troškovi pribavljanja dozvola i druga finansijska opterećenja investitora.

7. Nacionalni energetska i klimatski plan

Podržati nastavak izrade nacionalnog energetska i klimatska plana koji će zamijeniti državne i entitetske planove energetska efikasnosti i obnovljivih izvora i kojim će se ispoštovati obaveze vezane za dekarbonizaciju.

8. Interdisciplinarni pristup

Neophodno je u budućim pripremama strateških planova, zakona i pratećih dokumenata za implementaciju uključiti stručnjake iz oblasti zdravstva, zaštite okoliša i održivog planiranja radi posebne brige za zdravlje građana u budućim razvojnim energetska projektima FBiH.

9. Zakon o južnoj interkonekciji sa Republikom Hrvatskom

Zadužuje se Vlada Federacije Bosne i Hercegovine da pristupi izradi zakona o južnoj gasnoj interkonekciji sa Republikom Hrvatskom (preko Zagvozda).

10. Pokretanje inicijative Ustavnom sudu Bosne i Hercegovine

Uputiti Inicijativu (zahtjev) Ustavnom sudu Bosne i Hercegovine za preispitivanjem ustavnosti odredaba Zakona o gasu Republike Srpske i Zakona o energetici Republike Srpske u dijelu odredaba zakona koje se odnose na nadležnost Regulatorne komisije Republike Srpske (RERS-a) i ostalih odredaba zakona kojima su se preuzele državne nadležnosti Bosne i Hercegovine za oblast prirodnog gasa.

11. Izmjene Okvirne energetska strategije Bosne i Hercegovine do 2035. godine

Uputiti Inicijativu Vijeću ministara Bosne i Hercegovine da pokrene postupak izmjena važeće Okvirne energetska strategije Bosne i Hercegovine do 2035.godine i usklađivanja iste sa postojećim preuzetim obavezama Bosne i Hercegovine.

12. Mehanizmi praćenja, procjene, izvještavanja i inspekcija u toku planiranja, izvođenja i implementacije projekata

Zahtjeva se od Vlade Federacije BiH da, uz svaki strateški plan, zakon, projekat i drugi akt usvoji i plan praćenja, procjene, izvještavanja, i inspekcije i kažnjavanja u skladu sa zahtjevima okoliša i zdravlja građana Federacije BiH.

Predsjedavajući je zaključio rad tematska sjednice u 17.02.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović

